



kat.komp


53439

I

Mag. St. Dr.

P

*Gregorovii Sijium: Quaestio de natura
coeli.*



QVÆSTIO

De

NATVRA COELI.

In Alma Academia Crac: Disputa-
tioni publice proposita, Anno
Domini 1621.



Ad Diem Martii 19 Horam 14.

Respondente

M. SIGISMVND O GREGEROVIO
Radomf: Professore Nouodworsciano, & Contu-
bernij Philosophorum Seniore.

Permissu M. D. Rectoris.

CRACOVIAE.

In Officina Typographica Francisci Cesarij.

178

In Arma Illustrissimi ac Reuerendissimi Domini.



53439


I

LIPSCI Iustitiæ longum memorande Sacerdos,
Quis tua Rastra isthæc non cupide aspiciat?
Hæc etenim Regni excoluere fideliter aruum,
Vnde fluunt Lechiæ commoda magna noua.
Quare age tu solidâ felix hac laude fruaris,
Rastra: polo dabit haud inuida posteritas.

Adamus Skrzydlowski, Elog: Stud.

Illustriss. ac Reuerendiss. Domino,
D. ANDREÆ LIPSKI
DEIGRATIA EPISCOPO LVCEO-
rienfi Cancellario Regni amplif. &c. Domi-
no D. Patrono æternùm colendo

S. & F.



TNO PENSIS ILLE PHILOSOPHVS
dum Corinthus obsideretur, atq; Corinthij quod
in huiusmodi necessitate facto opus fuerat, quosque
aliquid, agerent; ne vnus ociosus inter omnes nego-
cio acerrimè intentos, appareret: dolium, (quæ sua
domus tum fuerat) versare, ac per mediam Ciui-
tatem in oculis Ciuium volutare capit. Consimile
quiddam ILLUSTRISIME AC REVEREN-
DISSIME PRÆSVL agere me nunc intelligo. Cum enim altrix
mea benigna Academia, nouum genus velitationis proximè præteritis
annis instituerit, ut ij, qui inter Academicos Collegas cooptari volunt, in
sua quisq; disciplina, quam sibi ex omnibus maximè colendam proposuit,
publica exhibeant ingenij ac progressionis præclaræ specimina; cumq;
alij alia pro suo instituto aggrediantur, ego illam mundi partem (pro-
pter cuius contemplandam pulchritudinem oculos homini datos Plato
diuinus crediderat) quàm attentissimâ curâ & cogitatione, volutandam
decreui. In quo negotio haud scio annon iure gloriabor superari à me
Diogenem, non ob eam causam tantùmmodo, quòd ille dolium manu, nihil
omnino agere volens; ego Cælestem domum animo & cogitatione, non
parum inde vilitatis expectans, voluere constituerim: verum etiam
quòd ille populo spectante, ego Viris Academicis & insipientibus & be-
nignè censentibus, atq; quod caput est, Vestra Illustrissima ac Reueren-
dissima Cels. annuente, ac sua incredibili benignitate assulgente (lice hoc
totum ad

totū ad lucernam Aristophanis minimè spectatū sit, ut ait Varro,) in pul-
uerem & arenam producam. Quæ causa mihi erat prima, ut ingenue
falear, quā sum adductus, ut sub Tuo nomine amplissimo hoc quicquid
est, et si sentio quā exiguum, lucem afficeret. Dederat enim ante Ve-
stra Illustrissima & Reuerendissima Cels: (cum adhuc in Collegio Pra-
latorum Ecclesiæ Cath: Cracouiensis Solis ad instar luceret) amoris in
me & beneuolentiæ documenta sanè permagna; quæ, quoties apud ani-
mum meū reputo; toties me immensum quiddam debere Illustriss. & Re-
uerendissime Cels: Vestræ palam & libenter profiteor. Accedit huc etiam
Alma parentis meæ Academia (quā causam habeo publicam) ratio;
cuius omnes meliores spes, non ad præsens tantum, sed ad stabilimen-
tum perpetuæ integritatis in Vestra Illustrissima ac Reuerendissima
Cels: maximè conquiescunt. Quamobrem accipies eo libentius eoq; ma-
gis equi boniq; consules, significationem meam in Te perpetuæ obseruan-
tiæ Illustrissime ac Reuerendissime Præsul, quò grauius non meis tan-
tum priuatis, verū etiam publicis Academiae momenti ad id impel-
lor: ut interim taceam illud, quod primo loco poni debet, Felicitatis esse
cuiusdam, Tuarum amplissimarum virtutum heroico patrocinio prote-
gi. Ac Academia quidem quæ Tuæ Illustriss. Cels: constanti erga se studio
gloriarī solet, laborum & neruorum, atq; istius in eam inusitatae pro-
pensionis, fructum ut spero diuturnum capiet Illustrissima ac Reueren-
dissima Celsitudo Vestra: à me verò expectabit, cum me non indignum
sue amplitudinis protectione iudicans, ad quæuis maiora aggredienda
fauore & beneuolentia sua heroica animabit. Cui ut Deus Opt. Max.
feliciissima in dies omnium bonorum incrementa cum perenni valetudi-
ne præstet cupio & exopto. Cracouia è Contubernio Noscouiano ad 4.
Nonas Martij, Anno Millesimo sexcentesimo vigesimo primo.

Illustrissima & Reuerendissima Cels: Vestræ
æternū deuotus.

M. Sigismundus Gregeronius
Senior Contubernij Philoſop.

In nomine Domini Amen.

Q V Æ S T I O.

V. Cœlum carens compositione, quæ ex Elementis, non ea quæ ex Materia & Forma, habeat Materiam perfectiorem, & specie diuersam à nostra, & vniuscuiusq; tam Materia, quàm Forma, ab ea, quæ alterius, specie distinguatur; debeatq; in actionibus suis essentialiter ab Intelligentia Motrice, an verò ab aliis causis, necne?

CONCLUSIO I.

Cœlum non est corpus ita simplex quin constet Materia & Forma.

COROLLARIA.

1. Omnium Corporum sensibilibus hæc duo principia, Materia scilicet & Forma, sunt essentialia.
2. Vnum quodq̃ cum cadat sub sensum ratione Materiæ, sub intellectum vero ratione Formæ: Cælum quamvis cadat sub utrumq̃, non est tameneiusdem naturæ cum Elementis.
3. Cum eandem rem in ordine ad idem, simul esse causam Materialem & Formalem planè repugnet, eò quod hæ causalitates, conditiones requirant formaliter oppositas, scilicet, Esse in potētia, & Esse in actu formali: fit ut in Cælo hæc duo, Materia scilicet & Forma sint opposita & distincta realiter.
4. Cælum cū vim agendi in hæc inferiora obtineat, habeatq̃ determinatam existentiam & quantitatem, & alia permulta accidentia, præcipuè lucem, non est tantum ipsa Materia.
5. Cælum cum sit Corpus naturale habens in se Naturam, quæ est principium motus, si sola Forma esset, per se moueri dici non posset.
6. Cælum constare naturâ non ideo dicitur, quod omnis Natura sit principiū motus & quietis, sed quod omnis
mnis

minis motus & quies naturalis, sit à natura.

7. *Quantitas, Raritas, Densitas, quæ in corporibus Cælestibus, reperiuntur, concomitantur Materiam, & eam in Cælo denotant.*
8. *Cælum, ex natura sua capax est qualitatis & mutationis perfectius, quam non in Forma sed in Materia primò recipere apta est, ut in extremo Iudicij die eueniet.*
9. *Non ritè, neq; vniuersim colligitur, ex unitate affectionum, unitas specifica Materie.*
10. *Vt Materie primæ non repugnat unitas specifica cum distinctione numerica, ita eidem non repugnat distinctio specifica cum unitate numerica.*

CONCLUSIO. II.

Materia Corporum incorruptibilium perfectior & diuersæ rationis est à Materia Corporum corruptibilium iuxta doctrinam Peripateticam.

COROLLARIA.

1. *Aperta & euidentis Sententia est Aristotelis lib: 12. Metaph: Tex: 19. & 9. Metaph: Tex: 17. Materiam Cæli esse diuersæ rationis à Materia aliorum Corporum.*

In altiore

2. In altiore ordine illud collocandum est, quod non est capax cuiusuis alterationis & peregrinae impressionis
3. Materia incorruptibilium, quia respicit actum inseparabiliter informantē, excedit perfectione Corruptibilem, quae actum informantem separabiliter respicit.
4. Ex eo quòd ordinatur Materia incorruptibilium ad suam Formā ut ad actum sibi adequatum nobilissimum, excedit perfectione Elementarem.
5. Diuersitas Motus circularis Caeli à Motu sublunarium, diuersam Materiam utriusq; arguit.
6. Caelum concedentes naturae elementaris, necessario tendere sursum vel deorsum concedere debent.
7. Materia Caelestis, quia non habet ordinem & desiderium ad easdem Formas, ad quas sublunaris, habetur pro distincta specie ab hac.
8. Materia Caeli quia pati nihil potest ab his inferioribus, merito iudicatur diuersae speciei ab his inferioribus.
9. Non repugnat naturis rerum, quòd in substantiis potentij & Materijs, detur specifica & essentialis diuersitas.
10. Caelum suapte naturā caducum non est.

CONCLUSIO III.

Omnia Corpora incorruptibilia specie diuer-
sa à Corruptibilibus, habent, non solum Materi-
as, sed etiam Formas, specie diuersas.

COROLLARIA.

1. *Materia Cæli Crystallini, quia non est capax na-
turaliter Formæ Cæli Empyreï, & dispositionum, quæ
ad illam requiruntur, non potest dici eiusdem esse ra-
tionis.*
2. *Forma Cæli Empyreï non potest educi de potentia
Materiæ Cæli Crystallini.*
3. *Orbes Cælestes non esse transmutabiles in alios ex eo
prouenit, quòd unusquisque habet propriam Mate-
riam ita accommodatam, & commensuratam pro-
priæ Formæ & dispositionibus illius, ut nullo modo
prorsus sit capax aliarum.*
4. *Materia cuiusq; Cæli satiatur sua Forma, quia non
est capax aliarum neq; indifferens, sed ex vi suæ ef-
fectiue, est determinata ad talem Formam.*
5. *Corpora Cælestia inter se non solum numero, sed
specie distinguuntur, ex eo, quia singularia multipli-*

cantur in eadem specie propter conseruationē, quod non requirunt Corpora Cælestia.

6. Omnes Materie Calorum in specie conueniunt, quæ ordinantur ad Formam inseparabiliter informantem, quæ tamen conuenientia, non est in eis specifica sed generica, & ex illa infertur diuersitas specifica.

CONCLUSIO IV.

Cælum in actionibus suis ab Intelligentia mouente essentialiter non dependet.

COROLLARIA.

1. Et si verum est, Cælum esse instrumentum Intelligentiæ mouentis ad aliquas actiones, tamen ab illa non pendet, quia nullæ sunt huiusmodi actiones.
2. Intelligentia non est virtus principalis ad effectus corporales efficiendos.
3. Cæli si agunt hoc fieri per astra, quæ per lumen agunt, quod non habent nisi à Sole.
4. Vnum quodque astrum habet propriam virtutem innatam & connaturalem per quam influit.
5. Cæli ut habent formas proprias specie diuersas, ita ad
illas

illas consequuntur propriæ virtutes & facultates, specie diuersæ.

6. *Cælum etsi dependet effectiuè ab Intelligentia rotante & gyrante ipsum, non tamen Intelligentia est Forma Cæli, quod perperam quidam astruere sunt ausi, sed assistit duntaxat Cælo.*

Sub Felicibus auspiciis Admodum
Reuerendi & Magnifici Domini D.
IACOBI DE TVROBOYCE TVRO-
BOYSKIS. T. Licentiati & Professo-
ris S. Floriani Decani, Præpositi
SS. Omnium. Almæ Academiæ
Cracouiensis Generalis
R E C T O R I S.





